



林石逸興四卷目錄

黃鶯兒一百首

邊城秋况四首

對月四首

春閨四首

塞上重陽四首

懷古四首

妓嗟四首

傀儡四首

聲名一首

春夏秋冬兩

德子孫四首

應世難四首


不仕四首

勇退四首

誠秀才賤四首

骷髏四首

技累一首



智名一首

勇功一首

養天和一首

樂天真一首

守天庥一首

享天年一首

子孫賢一首

子孫不肖一首

詠菊一首

詠蘭一首

題楊花一首

題葵花一首

鞦韆一首

鬪雞一首

富貴不淫一首

貧賤不移一首

威武不屈一首

忌滿一首

譏忙人一首

撞入烟花四首

識破烟花四首

題張良一首

弔韓信一首

題孔明一首

梅雪遊一首

大鵬一首

鳳凰一首

鸚鵡一首

陶元亮一首

問天一首

妙畫一首

赤壁一首

元夜一首

中三元三首

林石逸興卷之四

黃鶯兒一百首

明燕人薛論道撰

邊城秋况

無柰楚天秋。露澹澹。暑氣收。山城容易寒。白晝雲屯戍樓。風埋日頭。馬蹄踏遍黃花瘦。恨悠悠。玉門白首。只為覓封侯。

又

無柰楚天高。聽征鴻。雲外號聲刺入人心竅。風吹戰袍。月明寶刀。朱顏紅葉皆零落。冷蕭蕭。鄉關何處。萬里路迢迢。

又

無柰楚天空。草淒淒。萬樹紅。胡霜汗馬身如凍。
朝蛩夜蛩。殘鐘晚鐘。疎砧亂杵成一弄。恨叢叢。
西風又緊。專意送歸鴻。

又

無柰楚天長。顧遐荒。情暗傷。秋聲画角齊嘹唳。
西風幾場。鴻鴈幾行。白雲常在眉睫上。恋高堂。
心隨明月。夜夜到吾鄉。

春雨

孤旅困黃昏。聽啼鶯報晚春。楊花輕落離人鬢。
風雲莫伸。鱗鴻罕聞。一思一想一重悶。雨紛紛。
殘紅萬點。千里暗銷魂。

夏雨

客裏正寂寥。被啼鶯葉底嘲。歸來歸去將人笑。
山遙水遙。鬼勞夢勞。無端情緒常盈抱。雨瀟瀟。
芭蕉聲裏。一點一心焦。

秋雨

落葉下寒砧。黯孤城。雲霧深。天涯苦被浮名禁。
閑塵滿琴。離愁滿襟。一身萬里蕭條甚。雨沉沉。
聲聲點點。滴碎故鄉心。

冬雨

誰道玉門遙。走玉門風更高。寒威到處貂裘落。
戰馬日嘯。刁斗夜燒。胡雲常把燕山罩。雪飄飄。
排闥逼枕。無奈苦氣薄。

對月

對月不成眠。望嬋娟。桂影懸寒波。一派光如練。
情牽意牽。魂顛夢顛。相思千里心猶面。恨綿綿。
音疎信杳。鳶去鏡空圓。

又

對月不成歡。望嬋娟。桂影團清波。如畫同誰翫。

心酸意酸。眉攢目攢。雲山萬里愁不斷。海天寬。
長空飛鏡。獨覺照孤鳶。

又

對月不成雙。望嬋娟。桂影茫。廣寒深鎖金波漾。
情長恨長。愁狂病狂。因他暗把精神喪。泪汪汪。
銀河耿耿。織女化參商。

又

對月不成吟。望嬋娟。桂影深。風清露冷淒涼甚。
秋聲滿林。離愁滿襟。傷情暗泪。心頭浸。擁寒衾。
垂床倒枕。更漏已沉沉。

德子孫

造物本無偏。力脩持澤自綿。陰功莫大行方便。多結好緣。廣種福田。靈臺一念常存善。天何言報如影嚮。畢竟子孫賢。

又

造物本無形。德不薄福自充。一啄一飲皆前定。利莫苟營。名莫苟成。人心天理明如鏡。天最靈。報如影嚮。畢竟子孫榮。

又

造物本無方。有興時便有。興亡只在人心上。

靈長祚長。求祥得祥。從來積德人家旺。天不忙。報如影嚮。畢竟子孫昌。

又

造物本無情。善與惡却有徵。人心更比天心盛。讚念福生。作念禍生。善門應是多餘慶。天最明。報如影嚮。畢竟子孫興。

春閨

無語對芳春。怯輕寒擁繡裯。困人天氣偏多悶。堦前綠痕。枕上泪痕。看來總是離人恨。睡昏昏。情思飄杳。獨自暗傷神。

又

無語暗銷魂。嘆韶光又半春。東風不見傳來信。
茶飯懶親。衾枕懶溫。行思坐想。心頭印。怕黃昏。
天涯望斷。滿目盡愁雲。

又

無語對黃昏。見飛花亂暮雲。果然人遠天涯近。
殘春晚春。愁身病身。滿懷心事。憑誰問。泪紛紛。
相思千里。猶自鎖重門。

又

無語慢停針。見歸鴉棲舊林。恹惶泪把心頭浸。
更沉漏沉。愁深病深。一番提起。一番甚。最傷心。
紛紛紅雨。飛落滿瑤琴。

應世難

我欲守清廉。守清廉物議潛。無瑕常被青蝇玷。
貪圖的善謙。清廉的惹嫌。舌糖口蜜。腹中劍。但
出尖。一拳兩脚。推倒大家搥。

又

我欲守公平。守公平讒謗興。醜直惡正多奸佞。
公不平物鳴私。不通禍萌。是非顛倒。誰作証。月
華清。行人愛賞。盜者厭分明。

又

我欲守誠實。守誠實。若土泥。嫌長道短說不濟。
聰明的又嫉。老實的又欺。不知誰優誰伶。例葫
蘆提。休說南北。只要有東西。

又

我欲守安然。守安然。也有愆。求全反被人憎怨。
好也是要錢。歹也是要錢。謙恭和氣。稱鄉愿。告
蒼天。風雲雷雨。他也不能全。

塞上重陽

荏苒又重陽。擁旌旄。倚太行。登臨疑是青霄上。

天長地長。雲茫水茫。胡塵靜掃山河壯。望遐荒。
玉庭何處。萬里盡秋霜。

又

倏爾又重陽。喜登臨。情興長。傾樽應盡平胡量。
投足太行。舉目大荒。封侯擬在眉睫上。塞雲茫。
連天衰草。不見左賢王。

又

彈指又重陽。寄天涯。情暗傷。可憐佳節值踈况。
三迳已荒。二毛已蒼。黃花白髮不相讓。度秋霜。
千林墮葉。客子倍淒涼。

又

轉盼又重陽。為功名紙半張。投醪投筆成悒悒。風也斷腸。雨也斷腸。山河也添惆悵。自徬徨。玉門回首。兩鬢盡胡霜。

不仕

小小搆茅茨。但容膝便可支。心頭不墨功名事。長歌楚詞。漫和杜詩。臨池閑寫羲之字。倦來時。南窓一覺。夢寐也無思。

又

矮矮小窩巢。近山林遠市朝。踈慵怕上長安道。

一琴一鶴。半漁半樵。從來詩酒王侯傲。任逍遙。困來一覺。夢寐也無勞。

又

遠遠臥林丘。避紅塵不用樓。詩書禮樂門庭舊。得休且休。得遊且遊。人情世事都參透。自悠悠。倦來一覺。夢寐也無憂。

又

草草一茅亭。要藏頭不在精。東籬菊下開三迳。詩朋酒朋。鷗盟鷺盟。青山綠水偏多興。世緣輕。晚來一覺。夢寐也無驚。

懷古

誰不待侍明君。侍明君得顯親。柰何人海魚龍混。薰蕕莫分。玉石並焚。那時不用匡時論。嘆忠臣。不達時務。千古吊湘魂。

又

誰不待侍君王。侍君王姓字香。柰何鱗網不踈放。夷齊首陽。韓彭未央。不如早納風魔狀。紙半張。多成多敗。都是夢一場。

又

誰不待侍朝班。侍朝班心膽寒。柰何世事如冰

炭。韓侯上壇。張良入山。誰能保的無憂患。省愁煩。無官無祿。一世得安閑。

又

誰不待侍金階。侍金階惹禍災。柰何仕路機關大。人情冷哉。世事恠哉。衣剝常把一身賣。把頭埋。一生受用。說甚棟梁材。

勇退

終日冒風沙。染秋霜兩鬢華。是非天大官不大。蝸角逕滑。羊腸路峽。當局不怕傍觀怕。亂交加。龍爭虎鬪。說甚玉無瑕。

又
說甚玉無瑕。點青蠅袖裏蛇。迅雷掣電難遮架。
范蠡海槎。陶潛縣衙。不如一筆都勾罷。論官家。
急流勇退。所見也不差。

又
所見也不差。喜歸來。日日暇。茅屋小小低低廈。
醉醒任咱。清濁任他。閑非閑是都不罣。就庄家。
深耕淺種。本等舊生涯。

又
本等舊生涯。事蚕桑不用咱。南窓睡足東籬下。
稚子種瓜。山妻理麻。不寒不煖不驚怕。眼不花。
青山未老。日日樂雲霞。

妓嗟

終日苦奔忙。任虔婆弄主張。營奸賣俏平康巷。
新郎舊郎。村郎俏郎。由他擒縱由他放。赴排場。
筵前席上。有禍我先當。

又

終日站花街。任虔婆胡派差。付能我愛他不愛。
多才俊才。活埋死埋。一心只在馮負外。暗傷懷。
吞聲忍氣。甜苦自家捱。

又

終日苦無休。任虔婆無厭求。後門送出前門又。
村也用留。俏也用酬。有錢那論人新舊。自含羞。
喘心昧已。好歹在心頭。

又

終日換新郎。任虔婆旋做腔。將無作有喬模樣。
舌如蜜糖。心如虎狼。勸輸力盡不輕放。歹風光。
茫茫苦海。升斗豈能量。

誠秀才驃

一念毋勸勞。養育恩山斗高。昊天罔極應難報。

勤學苦學。名標姓標。身榮親顯方為孝。恋妖嬈。
無情花柳。斷送是英豪。

又

斷送是英豪。把聰明一旦消。甘心自棄違名教。
花朝月朝。鬼勞夢勞。胸中錦繡成虛抱。弄風騷。
鳴珂巷裏。那箇有皮毛。

又

那箇有皮毛。教傍人巧畫描。名虧行損家零落。
雲也盡消。雨也枉勞。烟花何補忠和孝。勸英豪。
回頭未晚。還可奮青霄。

又

還可奮青霄。把詩書。須飽學。鷗鵬豈被絲羅罩。
發憤氣豪。忘食志高。須知夕死朝聞道。際時髦。
名登金榜。束帶立於朝。

傀儡

大夢我先嘗。嘆浮生。空自忙。一迴下去一迴上。
衣冠滿堂。金玉滿箱。掀天揭地聲名壯。傀儡場。
無多光景。恰快樂。又悲傷。

又

大夢我先知。嘆浮生。空自痴。一身苦。為千年計。
功名數奇。富貴忌極。天公不與人同利。傀儡席。
無多光景。恰懽會。又別離。

又

大夢我先度。嘆浮生。空自錯。寸心廣。有天來大。
分不厭過。財不厭多。爭名奪利翻成禍。傀儡哥。
無多光景。恰富貴。又消磨。

又

大夢我先醒。嘆浮生。空自能。無明無夜。徒奔競。
家貫滿庭。田園負城。英雄頭上誇強勝。傀儡精。
無多光景。恰道好。又凋零。

骷髏

昨日到荒郊。見骷髏白骨凋。橫三豎四黃沙暴。
風飄雨瀟。猿啼鳥號。嚴寒酷暑。不知道。嘆英雄。
三分氣在。聲價與天高。

又

昨日到城東。見骷髏白骨橫。青山綠水成一夢。
塵蒙土蒙。狐踪兔踪。朝朝暮暮。黃昏送。嘆英雄。
當時豪邁。氣壓海天空。

又

昨日到城西。見骷髏白骨淒。風吹日晒不為計。

野村草堤。身卧土泥橫。斜只落一拳地。嘆精奇。
爭名奪利。心志與天齊。

又

昨日到邛山。見骷髏白骨寒。當時都是倭儼漢。
烏鴉日殘。螻蟻夜食。不知疼痛。不為患。嘆朱顏。
收園結果。留與後人看。

聲名

應世最難為。說無為。便為無為。至理從來昧。
行則影隨。言則嚮追。誰能脫得。聲名累。甚堪悲。
人生天地。都被桎梏迷。

技累

最好是愚呆。笑蘇張苦掉舌。雄心未滅身先滅。
直木天折。甘井易竭。文章虎豹常遭獵。嘆豪傑
螳螂怒臂。何以抗車轍。

智名

處世貴和平。厭時人多自矜。誇能鬪勝不恤命。
名高誇與。智高禍生。從來機械傷人性。智和名
人之凶器。切莫與相爭。

勇功

萬事轉頭空。福未來禍已萌。聲名暗把英雄送。
烏盡雁傾。兔死狗烹。功高威震君心動。嘆朝
能謀能勇。失策未央宮。

養天和

着意養天和。養天和萬慮磨。忘情遺物心常樂。
是也。任他。非也。任他。塊然獨坐悠然臥。日蹉跎。
浮生世故。看破紙還薄。

樂天真

着意樂天真。樂天真性自存。甘吾恬淡安吾分。
毀也在人。譽也在人。功名富貴都不問。不憂貧。
心游物外。禍福自無門。

守天庥

着意守天庥。守天庥不用謀。無憂無累無聲臭。其生若浮。其死若休。幽無罪譴。明無咎。自悠悠。生成造化。於我更何求。

享天年

着意享天年。享天年壽自全。人生那有都如願。福乃禍先。禍乃福源。達人知命。身常健。且安然。一日不死。一日是神仙。

子孫賢

蕭然華堂前。有子賢。詩書禮樂無不辨。

箕裘可傳。門戶可大。春雷動處。魚龍。及喜翩翩。養兒若此。何苦又說錢。

子孫不肖

萬頃置良田。積金珠。廣有錢。奈何有子不如願。天道好還。人謀在堅。霎時滄海桑田變。景堪憐。養兒不肖。富貴總徒然。

詠菊

百卉盡凋零。尔持節獨後生。凌霜傲雪秋顏勁。識味楚平。知趣晉明。金英玉露名三迳。晚芳成。孤高雅操。苑李不同榮。

詠蘭

深谷自脩藏。厭聳色與世忘。身齊蕭艾根不傍。
飄然異芳。幽然暗香。清風常在高堂上。論炎涼。
三春花草。誰耐九秋霜。

題柳花

狂態眇天低。亂春暉。宇宙彌茫。萍踪浪跡。無實地。
逐流傍溪。穿窻透籬。心無定準。身無繫。東復西。
因風作勢。到處點人衣。

題葵花

炎夏獨成林。挹清芬。滋味深。孤忠不入繁花蔭。
簪者愛簪。吟者愛吟。輸誠向日。非謠讖。論胸襟。
為人臣子。誰肯鑿葵心。

鞦韆

深院是誰家。起鞦韆。接碧霞。彩雲縹緲人如畫。
玉纖挽擘。金蓮倒踏。恍然疑是天仙下。俊嬌娃。
東風吹綻。一朵牡丹花。

鬪鷄

芥羽一毛輕。倚豪雄。起鬪爭。櫻冠披髮不恤命。
且立且行。且戰且鳴。傾心抵死博一勝。總然贏。
錦衣零亂。全距血腥腥。

富貴不淫

大道本天真。守天真性自純。居仁由義。須克盡。富也。正身。貴也。正身。大丈夫富貴焉能紊。重人倫。不淫。不蕩。德譽滿乾坤。

貧賤不移

節操本乎人。守無矢志自存。窮達壹是安吾分。愈否愈純。愈久愈真。大丈夫貧賤焉能困。持吾身。無移無改。陋巷有賢門。

威武不屈

正氣莫誰何。鉄石心其可奪。須知身墮名不墮。雷霆柰何。斧鉞柰何。大丈夫威武焉能折。河中流砥柱。千古振頽波。

忌滿

造化本無情。察循環否泰生。天時人事無不應。持滿捧盈。臨深履冰。人心不足必無幸。莫惺惺。盈虧至理。日月最分明。

譏忙人

富貴笑春風。轉回頭事已空。古今枉把忙人送。石崇運通。范丹命窮。看來總是一場夢。嘆愚蒙。營營狗狗。何日是從容。

撞入烟花

花柳最妖嬈。有上稍無下稍。黃金傾盡成一嘆。
花朝月朝。鶯交鳳交。看來總是風流套。弄鮫綃。
千嬌百媚。暗裏把鬼銷。

又

暗裏把鬼銷。陷人坑作鳳巢。笙歌引入迷鬼套。
銀箏漫調。象板漫敲。鶯聲燕語相偎抱。雨雲交。
青蚨滿載。夜夜是良宵。

又

夜夜是良宵。越聰明越撞。烟花不怕來時俏。

一箇細着。一箇吊着。皮婆賽過活神道。剪和燒。
虛疼假熱。多少巧籠牢。

又

多少巧籠牢。明絲羅暗綁縛。舌尖常帶三分鏢。
粘着摸着。皮焦肉焦。歸來畢竟蓮花落。愛風騷。
卑田院裏。到底不離瓢。

識破烟花

風月逐時新。滿缸茶。日日親。一朝茶盡姻緣盡。
花門柳門。秦雲楚雲。無情轉眼不相認。假和真。
從今識破。急走快招鬼。

又
急走快招魂。及歸來已罄身。果然馬死黃金盡。
銀無半分。錢無半文。江心補漏。今方信。雨和雲。
將人斷送。進退更無門。

又

進退更無門。有何顏見六親。搥胸頓足。心頭恨。
牙尖肉痕。枕邊淚痕。誠然十面埋伏陣。會通神。
也。須狼狽。水洗送出門。

又

水洗送出門。若長江縱大鱗。天空海濶。從吾奮。
詩書可溫。風雲可伸。飄然跳出糊塗運。喜從新。
災星一去。還是好乾坤。

題張良

開卷覽興亡。漢三傑。說子房。與劉滅項。乾坤蕩。
誅了楚王。扶起漢邦。赤松先避。韓彭障。識行藏。
功成身退。不敢犯君王。

弔韓信

曲指數英雄。漢淮陰。十大功。三秦席捲。乾坤動。
智懸兩龍。威震九重。時衰正遇遊雲夢。但持忠。
一心無二。馬到未央宮。

題孔明

漢祚已難留。向南陽起武侯。茅廬三顧何其厚。
千籌萬籌。興劉為劉。三分能有多時侯。羨忠猷。
鞠躬盡瘁。一念死方休。

梅雪遊

梅雪舞交加。助遊人情興賒。蒼龍飛上枯松掛。
陶家党家。漢家酒家。天然一幅王維畫。玉無瑕。
梅爭雪鬪。老眼也生花。

大鵬

豪氣斗山移。但呼吸宇宙彌。等閑一舉冲霄翼。

雲合霧迷。神號鬼啼。翻江攪海驚天地。笑藩籬。
翩翩斥鷃。焉敢論高低。

鳳凰

五色羽成文。太平時儀聖君。三百六十禽中俊。
鷄冠燕唇。前鴻後鱗。孤高常在青霄奮。志不倫。
自歌自舞。羞與雀同群。

鸚鵡

靈域本關西。負圓機物所稀。能言能舞為人異。
御名雪衣。封號綠衣。事君報主皆知義。羽中奇。
聰明智慧。百鳥更何及。

陶元亮

一念去來兮。覺後前事已非。田園將蕪為歸計。功名莫羈。富貴莫移。黃花三迳。一席地。傍東籬。清風千古。留與後人題。

問天

翹首問青天。你如何造物偏。不言不語不方便。英雄漢少錢。黃口兒廣田。愚濁富貴聰明賤。枉呼天天。何於我。應是命皆然。

妙畫

造化手中來。把乾坤筆底裁。風雲飛布天涯外。樓臺殿臺。蓬萊草萊。四時不謝花長在。更奇哉。畫堂人物。累歲不知衰。

赤壁

炎漢數應亡。把山河作戰場。舳艫千里烟波蕩。圖王霸王。興邦滅邦。風流萬古人惆悵。嘆周郎。二喬三氣。雲水兩茫茫。

元夜

燈月兩相交。映輝煌宇宙包。銀花火樹連天照。鰲山似梵。雲漢似焦。金吾不禁遊人樂。鬧元宵。王孫六女。擠擠渡星橋。

中三元

科第舉寒微。喜奎光獨上眉。天開文運昌吾輩。
槐花正催。桂子正肥。飛身直到蟾宮內。戰秋闈。
英雄五百。奪得解元歸。

又

二月起蟄雷。禹門遙星斗輝。桃花浪煖魚龍沸。
文燦棘闈。光射紫微。朱衣點首春官背。五經魁。
第一屬我。奪得會元歸。

又

金殿試文魁。占鰲頭肯讓誰。重瞳三策吾先對。
龍顏見奇。臚傳第及。瓊林宴上頭三位。喜揚眉。
宮花壓帽。奪得狀元歸。

林石逸興卷之四終

林石逸興五卷目錄

沉醉東風一百首

宦歸八首

題錢十二首

四反四首

四正四首

好好先生四首

居之安一首

平為福一首

觸藩四首

造化權衡一首

祝壽四首

灾荒一首

松栢後凋一首

秀才貪酒一首

章臺自警四首

相思四首

金蓮小一首

妓美四首

閨怨十二首

妓怨二十首

花酒生涯八首

詠大棋一首

林石逸興卷之五

沉醉東風一百首

明燕人薛論道撰

宦歸

拜辭了龍樓鳳閣。摘脫了玉珮金貂。迴避了未央宮。絕斷了長安道。喜歸來行李蕭蕭。自嘆風塵已二毛。還得見青山未老。

又

昌黎馬天高地險。鴟夷舟浪靜風恬。也不登韓信壇。也不賣張良劍。也休提鼎鼐梅塩。小小茅屋短短簷。頓忘了功名一念。

又

收拾起前遮後擁。頓脫開鳳網麟籠。消磨了宦
海心。畢罷了黃梁夢。虎狼叢逞甚英雄。翠蓋朱
軒過眼空。送了些貪圖懵懂。

又

羊腸路天寬地窄。虎頭牌惹禍招灾。戰兢兢白
玉堦。血淋淋黃金帶。誇甚麼棟宇梁材。擺手搖
頭歸去來。纔跳出愁山悶海。

又

鐘毛驢穩如駿馬。鹿皮冠煖似烏紗。坐拳石海
樣寬。樂斗室天來大。滿田園盡是桑麻。瓦鉢磁
甌對晚霞。且受用一時半霎。

又

駟馬車虛舟飄瓦。三公位費口粘牙。心懷着臣
子憂身。伴着君王怕。總不如早早歸家。老体勩
輸氣力乏。且去與兒孫戲耍。

又

再休提官高位顯。且只圖子肖妻賢。說甚麼班
馬才。掉甚麼蘇張辯。嘆一身半百餘年。夢寐無
驚一覺眠。抵多少東門黃犬。

又

喬公案磨牙費齒。季子金魄散。飛羨逢萌。早掛冠。嘆李斯空垂淚。俺而今豈肯着迷。吐氣揚眉。畫錦歸。大丈夫急流勇退。

題錢

人為你跋山渡海。人為你覓虎尋豺。人為你把命傾。人為你將身賣。細思量多少傷懷。銅臭明知是禍胎。喫緊處極難布擺。

又

人為你名虧行損。人為你斷義辜恩。人為你失孝廉。人為你忘忠信。細思量多少不仁。銅臭明知是禍根。一箇箇將他務本。

又

人為你東奔西走。人為你跨馬浮舟。人為你一世忙。人為你雙眉皺。細思量多少閑愁。銅臭明知是禍由。每日家營營狗狗。

又

人為你生煩惹惱。人為你夢擾魂勞。人為你易大節。人為你傷名教。細思量多少英豪。銅臭明知是禍苗。一箇箇因他喪了。

又

有你時肥羊美酒。有你時緩帶輕裘。有你時百
事成。有你時諸般就。有一朝金盡床頭。一任英
雄貫斗牛。告人難誰憐素手。

又

有你時眉揚氣吐。有你時膽大心麁。有你時說
話豪。有你時曾襟富。有一朝用盡青蚨。朋友無
情骨肉疎。說甚麼能文善武。

又

有你時紅纓白馬。有你時皂蓋烏紗。有你時爵
祿崇。有你時功名大。有一朝囊裏消乏。頓覺從
前事已差。眼看着情疎援寡。

又

有你時人人見喜。有你時事事出奇。有你時坐
上席。有你時居高位。有一朝運去時移。垂首縮
肩。兩內雞。想從前交情有幾。

又

不待你赤身露體。不待你忍餓耽飢。不待你言
語低。不待你精神細。不待你半步難移。那怕聲
名山斗齊。空着手高高吊起。

又

不待你箝舌閉口。不待你夾背縮頭。不待你躄
貌微。不待你形骸瘦。不待你萬事難周。那怕文
章過孔丘。空着手急忙快走。

又

不待你見官無理。不待你與吏為敵。不待你反
是非。不待你違條例。不待你禍福時移。那怕骨
中氣正直。空着手先不見喜。

又

不待你英雄失色。不待你壯士傷懷。不待你家
國亡。不待你功名敗。不待你美玉塵埋。那怕
藏八斗才。空着手人先不采。

四反

捭牙鬼粟陳貫朽。大丈夫飄在虛舟。慷慨的手
內無。鄙吝的囊中厚。竟不知造物何由。仰視天
公暗點頭。俺豈肯折腰五斗。

又

英雄漢披風冒雨。黃口兒駟馬高車。嘆耕牛宿
草無。羨倉鼠餘糧聚。竟不知造物何如。幾向天
公長太吁。問着他沒言沒語。

又

貪婪的喬遷疊轉。清廉的積謗業愆。忠良的箇箇嫌。奸佞的人人羨。竟不知造物何緣。空有天公不肯言。任傍人胡裛亂貶。

又

骨肉親。參商卯酉。陌路人情。意綢繆。棄天倫。猶子疎。惑世俗。螟蛉厚。竟不知造物何求。總是天公不與雙。說起來。教人掩口。

四正

畏四知。冰清水冷。持三尺。鬼怕神驚。扶植的社稷。牢培養的乾坤正。又何須釣譽沽名。總是他人僥倖成。俺只是一心耿耿。

又

愚自愚。不奸不狡。貧自貧。無諂無驕。秉一心正。與直存。兩字忠和孝。那在乎位顯名高。總是他人氣焰豪。俺怎肯伏低做小。

又

須記的。責人責己。休忘了。無慢無欺。做一箇正氣人。作一箇清白吏。更何憂國治家齊。總是他人巧用機。俺只是恭而有禮。

又

運不通黃金失色。命中有使盡還來。王將軍庫自盈。司馬公壺長在。又何須牙齒積財。總是他人手搵腮。俺只是搖搖擺擺。

好好先生

道不同干戈便起。話不投禮樂為敵。月旦評善品題號。智囊能畫計。總不如醉漢便宜。鄉原雖然取世譏。相逢處人人見喜。

又

長共短全不在我。是和非一任從他。緊箍着三寸舌。方免的一身禍。俺怎肯信口開闢。諾諾連聲揖讓多。纔入的時人一點。

又

但逢人高高舉手。未開言謹謹低頭。不明人且順情。難耐事須遷就。又何須苦較深求。世事從來那得周。總不如藏舌閉口。

又

也休道誰南誰北。也休說誰是誰非。閑話時點點頭。喫緊處粧粧醉。再不然閉眼合眉。那樣人兒那樣隨。快休與磨牙費齧。

居之安

不如意十常八九。要遂心到老難周。得身安莫
怨貧。但無病休嫌瘦。又何須多慮多愁。富貴迷
人不自由。達造化安然少有。

平為福

甚可悲。無邊苦海。最堪憐。有限形骸。拔不出六
欲根。填不滿七情債。等閑間禍福難猜。富貴迷
人不放懷。更不念平安難買。

觸藩

為功名探穴虎口。為功名獻策龍頭。為功名壯
志。為功名英雄瘦。都只為雞肋難丟。進退教
人不自由。這其間如何罷手。

又

為功名腰折五斗。為功名愁感雙眸。為功名戰
馬疲。為功名狂袍舊。都只為潑水難收。妻嫂不
炊。父子羞。這其間如何罷手。

又

為功名氣冲牛斗。為功名謁遍諸侯。為功名夜
渡關。為功名朝聞漏。都只為覓餌尋鈎。名利牽
人天盡頭。這其間如何罷手。

又

為功名忠肝抖抖。為功名義膽搜搜。為功名薄
大敵。為功名驅窮寇。都只為破釜沉舟。壯志消
磨兩鬢秋。這其間如何罷手。

造化權衡

欲其角必然無齒。要成佛畢竟無兜。聰明漢不
與錢富家翁不識字。最公平造化無私。一飲一
啄信有之。笑時人不知所止。

祝壽

西王母蟠桃送酒。東方朔海屋添籌。香馥馥麟

脯排韻悠悠。笙簧奏華筵。開萬載千秋。珠履
庭戲彩樓。壽綿綿天長地久。

又

祝華封八埏九有。頌壺公三島十洲。現南極不
老星。映紫府長生宿。宴瑤池玉液金甌。五色斑
斕萬戶侯。望祥光群仙拱手。

又

華堂中珠圍翠繞。彩雲邊瑞靄香飄。萬壽龜獻
玉牒。千歲鶴啣丹詔。祝南山星。下彌高。濟濟簪
纓。三滿朝。絕勝似蓬萊仙島。

又

挹瑶池金漿玉醴。採蓬萊火棗交梨。列千年雪藕鮮。陳萬福永龜細。玳筵前滿座安期。青紫紛紛戲彩衣。真箇苑群仙一起。

灾荒

兵之困九遠若此。民之疲四海不支。文共武無二心。家與國同一視。更何憂風雨不時。天理人心仔細思。不關情豈為臣子。

松栢後凋

耐歲寒。千林有幾。戰風霜。萬木無敵。繫今古操。莫更貫四時心。不易志。參天月。卧雲棲。鶴友琴朋。青史題惶恐。綠濃苑繁李。

秀才貪酒

一醉酒天寬地窄。一醉酒惹禍招灾。一醉酒學問踈。一醉酒聰明壞。把文章送入陽臺。不念青春不再來。及回頭黃金怎買。

章臺自警

俺也曾眠花臥柳。俺也曾燕侶鶯儔。俺也曾月下約。俺也曾神前呪。撞東牆不肯回頭。少翅無毛一旦休。到而今高飛遠走。

又
俺也曾投壺打馬。俺也曾折柳攀花。俺也曾剪
共燒。俺也曾哭和嫁。撞東墻不肯歸家。典盡田
園用尺。奈到而今。纔知是假。

又
俺也曾銀箏象板。俺也曾歌舞吹彈。俺也曾暗
使錢。俺也曾明祭。訛撞東墻不肯回還。水盡鵝
飛雲雨殘。到而今。心猿意懶。

又
俺也曾胡朋狗友。俺也曾謝館秦樓。俺也曾為
酒傷。俺也曾因花瘦。撞東墻不肯回舟。水洗精
光返故壇。到而今。搖頭擺手。

相思

這相思越添越有。這相思無了無休。這相思有
鬼纏。這相思無人救。這相思曉夜纏頭。一点赤
心不自由。要丟開不能罷手。

又

這相思非干為我。這相思總是因他。這相思眼
內磨。這相思心頭坐。這相思萬種還多。一片心
腸萬縷割。有西天不能去躲。

又

這相思不疼不痒。這相思不短不長。這相思無處藏。這相思無遮擋。這相思不比尋常。撓海翻江。惱斷腸。不思量。全然是謊。

又

這相思殘生未保。這相思性命難逃。這相思藥莫投。這相思醫不效。這相思夢斷魂勞。業障合該今日消。報一聲冤家就好。

金蓮小

卸芳塵。纖纖樣。淺履蒼苔。步步難前。挽花枝。懶

待行。卧素榻。身常倦。怯東風。怕見鞦韆。綫向池邊照。翠鈿忙托定。雕欄氣喘。

妓美

如花貌。天香異種。可人情。甘雨和風。但行行。百媚生。微咲咲。千金重。信嫦娥。飛下寒宮。路柳墻花。千萬叢。說起來。教人惶恐。

又

露湘裙。金蓮最小。舞腰肢。嫩柳還嬌。托雙眸。暗送情。對一面。微含笑。包藏著。萬種妖嬈。一過樽前。半語嘲。有情人。竟先喪了。

又

撲銀箏。雙籠玉笋。啓朱唇。響過行雲。唱的是誰。
恨詞。彈的是淒涼韻。帶一曲白雪陽春。體態應
欺楊太真。又何曾調脂付粉。

又

細端詳。風流俊雅。真箇是美玉無瑕。軟共溫筆
怎描。嬌和態。應難盪。說甚麼閉月羞花。洞府瑤
天落碧霞。活菩薩誰云是假。

閨怨

守空幃。鷓鴣孤鳳。寡。盼佳期。海角天涯。夜燒殘玉

香。日卜盡金錢卦。多應是浪酒閑茶。十里紅
樓。總是花。知何處垂楊繫馬。

又

望征鴻。音疎信杳。盼行雲。日遠天高。平攤了雲
雨臺。隔斷了長安道。怎支撐無限。寒寥。却恹王
孫不自度。貪戀着閑花野草。

又

展花箋。川毫未寫。滿香腮。雨淚不竭。書不尽。夙
世緣。話不尽。今生業。悔只悔容易離別。九轉柔
腸。千萬折。不傷心。除非是鉄。

又

一天恨。眉頭暗鎖。萬斛愁。心上折磨。惡思量。有萬千。好夢兒。無一箇。眼皮兒。常是皎皎。十二時辰。我念他。他何曾。一時念我。

又

困綿綿。愁身怕起。悶懨懨。痴病難醫。他雖然到處狂。俺未免。心頭繫。說甚麼。舉按齊眉。夢兒雖多。相見稀。斷腸時。皆因為你。

又

鴛鴦浦。天南地北。鳳鸞巢。火滅煙飛。撲不開心。上愁。拭不尽。腮邊淚。太行山。曾次橫堆。薄倖天涯。甚日歸。自無聊。終朝懊悔。

又

非是俺。心腸窄小。多因他。色胆天包。他那里。樂事多。俺這里。愁盈抱。再休提。司馬題橋。寶篆香消。竟夢勞。寂寞殺。蘭堂昼閣。

又

盼不來。魚沉雁杳。全不在。水遠山遙。糊塗了。錦繡心。埋沒了。聰明竅。管甚麼。苦李甜桃。自嘆佳人。多命薄。把青春。因他誤了。

又

對菱花無顏落色。倚幃幃感嘆傷懷。鎖重門愁
自來。開盃堂人不在。把琴瑟。盡被塵埋。數遍雕
欄。盃損釵筓。別離忽忽半載。

又

對黃昏一簾月影。聽殘更。絕派秋聲。助淒涼萬
種愁。添寂寞。一腔病。一庄庄。總是閑情。可恨多
才。不志誠。讀書人。全不三省。

又

滿池中清波。滾滾。逸庭堦紅葉紛紛。洗不開五

內愁。寄不去千般恨。總不如靜掩重門。因
思暗損神。抱香膝。時時是耽。

又

兩三翻。鬼托杜宇。千百遍。夢覓鱗魚。寄一篇。漸
恨詞。帶一筆相思句。寫不盡。短嘆長吁。帶短情
長恨。有餘。醒來時。全無半語。

妓怨

論風流。潘安出色。較文章。宋玉般才。賣的是奪
命丹。放的是相思債。慣坑人就力活埋。說哄恩
情。算甚乖。閃殺人。不為喝采。

又

實指望天長地久。誰知他皮裏裏陽秋。說來的山海盟。結下的鴛鴦扣。都做了水上浮漚。一片痴心不自由。還為他提心在口。

又

模樣兒雖然典雅。心性兒到底難拿。會溫存會閃人。提的起丟的下。再不會見這冤家。讓了甜桃覓苦瓜。哄殺人只作戲耍。

又

他那里歡娛戲耍。俺這里愁悶嗟呀。要開交不得開口。說罷心不罷。小油滑異樣情雜。往日溫存送那家。我根前偏都是假。

又

恨只恨冤家性野。悔只悔自己心邪。也非干今世差多。因是前生業。少欠他豈是痴呆。暗損柔腸千萬折。下不得將他棄捨。

又

往常時他來敬我。到而今我去求他。把一顆掌上珠。翻做了陪錢貨。暗虧心只念弥陀。風月場中負義哥。天生定玉魁一夥。

又
在誰行如魚似水。我根前假意徘徊。請着你不肯歸。問着你佯粧醉。眼看着意改心迷。暮暮朝朝任你為。到其間不須後悔。

又
輕信你糖舌蜜口。哄得俺意肯心留。磳磳磳月。下盟血淋淋神前呪。而今一旦都丟。不死不活不得休。悶懨懨長如病酒。

又
往日情全然。改近時心畢竟難猜。眼面前假意親。背地裡將人賣。閃殺人不得明白。弃舊迎新。薄倖才。風月中冤家最歹。

又
說不想心中又想。不思量又待思量。咬咬牙扯斷腸。皺皺眉來心上。闌不住眼淚汪汪。薄倖冤家到處狂。更不念從前已往。

又
在誰家貪花戀酒。我根前露尾藏頭。不思量旧日情。別有了着疼肉。暗吃虧多少。閑愁姊妹行中。自惹羞。狠一狠丟開罷手。

又
實指望姻緣永久。到而今恩愛成仇。他覷我土
地泥。我看他心肝肉。每日家忍耻包羞。此處無
魚。別下鈎。到省的出乖露醜。

又
非是俺痴心懵懂。只因他剔透玲瓏。想起來意
兒邪。提起來心兒慟。怎割捨恩愛重重。慣會坑
人。又會籠。五百年冤家業種。

又
倚着他伶牙俐齒。到處里者也乎之說。的是山
海盟幹。的是虛頭事。引的人夢想眠思。一片心
腸。鉄共磁。哄殺人。還未吊死。

又
倚着他糖舌蜜口。憑着他軟款溫柔。哄的人雲
雨合。騙的人姻緣就。轉回頭。別處閑遊。又把風
流作鈎鈎。粘着的休說放手。

又
想當初鴛鴦濤燕侶。實指望駟馬高車。說來的枕
畔言。都做了風中絮。只落的短嘆長吁。負義辜
恩。罪有餘。海神廟無人做主。

又

入門來說。虛調謔。轉回頭。信馬遊韁。趁東風柳絮。溪。逖。逖。水。飛。花。浪。遲。輕。薄。雲。雨。忙。忙。暮。暮。朝。朝。處。處。雙。那。顧。的。前。思。後。想。

又

想當時情膠意漆。到而今。恩愛心離。看的他恁親。捨的俺。忒容易。土和泥。也有高低。天運循環。有轉移。你負人人。必負你。

又

幾翻家千思萬忖。無來由。枉費殷勤。薄倖的。恁是多。不似他薄情甚。坑的人。喪鬼忘魂。外面春風。啜賺人。看衷腸。全不要緊。

又

他既然隨風舵倒。俺真索水長船高。且消磨。自己愁。免惹的他人笑。都做了無福難消。誰負誰心。誰厚薄。俺只是憑天罷了。

花酒生涯

看了他。營營狗狗。怎似俺。蕩蕩悠悠。兩眉峯。得自然。一身外。都將就。更何妨。謝館秦樓。花酒生涯。了日頭。受用些。從他掩口。

又

看了他名韁利鎖。怎似俺對酒高歌。避煙塵。少
是非。甘澹薄。無灾禍。算百年光景無多。花酒生
涯且快活。受用些無人恠我。

又

看了他一身貴顯。怎似俺兩字安然。也不願萬
戶侯。也不願封八縣。愛只愛月地花天。花酒生
涯自在仙。受用些從他褒貶。

又

看了他煩煩惱惱。怎似俺樂樂醕醕。日二竿一
盃眠。干五斗一聲嘆。每日家擺擺搖搖。花酒生
涯自在饒。受用些從他罷了。

又

看了他眠遲起早。怎似俺月夕花朝。也不欲銅
虎符。也不欲皇宣詔。卧東山不市不朝。花酒生
涯有故交。受用些風流醉飽。

又

看了他爭南戰北。怎似俺無是非。嬌滴滴折
幾枝香。馥馥醖一醉。倩兒童漫漫扶歸。花酒生
涯不皺眉。受用些何須後悔。

又

看了他官高祿美。怎似俺無福無危。脫離了錦繡班。混闖入風流隊。倚紅粧。三枚花酒生。涯日日隨變。受用些。從他譽毀。

又

看了他高車駟馬。怎似俺風月雲霞。恰離了酒肆中。又來到花陰下。可心人。便是潭家花酒生。涯莫道差。受用些。誰說是假。

詠大棋

他那里雙關拒堵。俺這里十面埋伏。這壁廂逐去踪。那壁廂截歸路。一箇箇用盡機謀。陷阱重尤恐踈。燭人情。千今萬古。

